

四庫全書

子部

欽定四庫全書

格致鏡原卷八十七

大學士陳元龍撰

獸類六

犬

總論 說文犬狗之有懸蹄者也孔子曰視犬之字如
畫狗也狗叩也叩氣吠以守也 春秋考異郵大斗精
所生七九六十三陽氣通故狗三月而生高三尺 白

六帖犬者金精 易艮為狗 晉書狗二星在南斗魁

前主吠守

埤雅卞子曰狗性險而出

談苑偷能禁

犬使不吠唯牝犬不可禁也或云紋如虎斑亦難禁

好事集以胡麻麩啖犬則光黑而駿獵必大獲狐兔又

可十歲

陰陽自然變化論狗不見雪

埤雅犬喜雪

諺云雪落狗喜

酉陽雜俎豺遇狗輒跪如拜狀狗為

豺舅也

抱朴子山中戌日稱人姓字者犬也 癸辛

雜志虎食犬則醉犬虎之酒也

留青日札狗食木鱉

而死

禮記凡祭宗廟之禮犬曰羹獻

尹文子康衢

長者字犬曰善噬 清異錄武宗十玩圖謂犬為守門

使 古今注狗一名黃羊 紺珠狗一名義畜一名家

獸 尸子齊有貧者命其狗為富 劉攽詩話今人呼

禿尾狗為厥尾衣之短後者亦曰厥 五行書白犬虎

文南斗君畜可致萬石也黑犬白耳人犬王犬也畜之

令人富貴白犬黃頭家大吉黃犬白尾代有官黑犬前

兩足白者宜子孫黃犬白前兩足者利人犬生四子取

黃子養之犬生五子取青子養之六子取赤子養之七

子取黑子養之八子取白子養之白犬烏頭令人得財
白犬黑尾令人世世乘車白澤圖黑狗白頭耳長尾
卷龍也廣異魏元忠嘗呼蒼頭未應犬輒代呼之元
忠曰此孝順狗也乃能代我勞後亦無恙彙苑信信
犬開口爭吠之聲楚辭猛犬狺狺而迎吠羣碎錄左
傳國狗之瘕無不噬也杜預注云瘕狂犬也今云獠犬
宋書云張收為獠犬所傷食蝦蟆膾而愈五雜俎瘕
狗齧人令人腹中長狗雛而死急以藥治之狗從小便

中出即有齧衣服者亟捲衣置圍上經數宿必有狗雛
無數死其中又有一種狗不飲不食常望月而嘍者非
瘕也乃肚中有狗寶也寶如石大者如鷺卵小如雞子
專治噎食之疾 留青日札凡狗有寶則羸瘦毛落不
勝其熱入水自濡其塊如栗同胞破之可千葉入藥治
毒瘡 七修類藁狗寶生於狗胞中其形質如鷺卵石
而色至白碎之內有文理數十層 石藥爾雅白狗膽
一名瓠汁一名陰龍瓠汁白狗耳上血名曰龍柒

詳類 三才圖會犬有三種一名田犬二曰吠犬三曰
食犬食犬猶今之菜牛也 爾雅犬生三獾二獅一獬
豸成毫狗 爾雅狗四尺為獬 尸子五尺犬為豫

爾雅疏犬子未生乾毛者名狗長喙者名獬短喙者名
獨獬壯大絕有力者名獬 說文獬黑犬黃頤也尻犬
多毛也獬犬吠不止也獬犬知人心可使也獬健犬也
狄赤犬也獬少犬也匈奴地有獬犬巨口而黑身獬獬
南越名犬也 周官士射獬侯注獬胡犬也似狐而小

黑喙善守 呂忱字林獯韓良犬也狔宋良犬也狔逐

虎犬也 何承天纂文守犬為獫隴西以犬為猶獫狁

皆多毛犬也獫狁也招屈尾犬也 格物總論狗家畜

以吠守種類不一狎短脰者獫黃色犬狂黃身黑頭犬

狎猛犬獫狂犬狎獫犬能逐虎獫惡健犬 庶物異名

疏寶犬類通典大秦國有寶出西海有養者似狗多有

獫惡 瑞應圖匈奴獻豹犬錐口赤身四足 通典唐

武德中高昌王文泰獻狗雌雄各一高六寸長尺餘性

甚慧能曳馬銜燭云本出拂菻國中國有拂菻狗自此
始 舊唐書波斯國多白馬駁犬或赤日行七百里者
駁犬今所謂波斯犬也 崑崙奴傳一品宅有猛犬守
歌妓院門非常人不得輒入入必噬殺之其警如神其
猛如虎即曹州孟海之犬也 古今詩話淳化中合州
貢羅江犬甚小而性慧常馴擾於御榻之側每坐朝犬
必掉尾先吠人乃肅然 東軒筆錄慶厯中衛士有變
震驚宮掖臺官宋禧上言蜀有羅江狗赤而尾小其警

如神願養此狗於掖庭以警倉卒 事物紺珠鬱林犬

出鬱林極高大垂耳拳毛

庶物異名疏那^{上聲}害虜中

名犬也見岷峨山人譯語一曰訥害兒狗曰厄冽訥害

母狗曰厄滅訥害見重譯 事物紺珠矮爬狗有純黑

黃紫三色大如猫或長四五寸可藏馬鐙云馬鐙狗

海語海狗形如狗大如猫純黃色嘗海遊背風沙中遙

見船行則投海漁人以技獲之蓋利其腎也醫工以為

即膾肭臍云 庶物異名疏本草膾肭一名骨肭獸似

狐而大長尾皮上有白黃毛三莖共一穴生西戎或曰
膾腍魚類豕首兩足其膾紅紫色陳藏器云骨膾胡人
呼為阿慈勃他其膾似麝香黃赤色臨海志膾膾若鹿
頭似狗長尾遇日出則浮在水面藥性論謂之海狗爾
雅雌仰鼻而豎尾似狐而大尾長皮白毛黃三莖一穴
謂之海狗性孝一名膾膾諸說稍異錄以並攷 熊大
古冀越集水狗出廣東左右江中形似黑狗能登水皮
為衣褥能運動脚氣元世祖足疾取其皮為袴人遂貴

重之

古名犬 汲冢書湯四方獻令伊尹請正南以短狗為

獻孔氏注短狗狗之善者 周書西旅獻獒 周書王

會成王時渠搜國獻獒

一作獒

犬獒犬者露犬也能飛食

虎豹 穆天子傳狗名重工徹止翟猓來白龍狗天子

東征以行流沙天子之豪牛豪馬龍狗豪羊注龍龍茸

謂猛狗或曰龍亦狗名 廣雅殷虞晉獒楚獒韓盧宋

鵠皆犬屬 義訓良犬韓有盧宋有鵠盧黑色鵠黑白

色 說苑荆王得姑黃之狗宛路之贈以畋雲夢 西
京雜記楊萬年有獵狗名青骹直百金又茂陵少年李
亨好馳逐鷹犬皆有佳名狗則有修毫羗睫白望青曹
之號 周處風土記犬則有青鸛白雀飛龍虎子獨獠
五魚狼牙鋸齒馴良捷警難狎易使 御覽陶弘景云
裴真君好養白犬名曰白靈學道之士或居山林此可
以辟邪 搜神記孫權時李信純襄陽紀南人也家養
一犬字曰黑龍 述異記陸機有犬曰黃耳機至洛中

久無家問因以筒盛書繫犬頸犬出南走達家得答書
馳還後犬死葬機村南村人呼黃耳家 馮元城集華
亭黃耳寺以犬得名相獸經犬白身而黃耳者能知人
家吉凶事是犬為陸機傳信三千里亦異犬也 幽明
錄晉泰興二年吳人華隆好弋獵畜一犬號曰的尾每
將自隨隆後至江邊被一大蛇圍身犬遂咋蛇死焉

廣古今五行記晉嘉興張林有狗名阿永 事物紺珠
飛燕張平子犬 南史張彪敗其將沈泰申進皆叛彪

唯常所養一犬名黃蒼在彪前後未曾捨離 三國典

略齊高緯以波斯狗為赤虎儀同逍遙郡君飼以梁肉食縣邑常於馬上設蹬褥以抱之 五代史齊後主時

犬為開府儀同雌者有夫人郡國之號 南部新書鄱

陽人張朝為猛獸所搏噬其家犬名小狸救之獲免

韓元吉桐陰舊話韋善俊唐武后朝京兆人長齋奉道

法嘗攜黑犬名烏龍世俗謂為藥王云 續仙傳韋善

俊犬號烏龍後化為龍乘之飛昇而去 搜神記會稽

勾章氏張然養一狗甚快名烏龍 詞林海錯杜光庭

有犬名吠雲可行萬里 博異記南陽張遵言塗次商
山山館中夜晦黑東牆下一物凝白耀人視之乃一白
犬犬如貓鬚睫爪牙皆如玉色毛彩清潤悅澤可愛遵
言愛之目為捷飛 清異錄耒陽廖習之家有一黃犬
識人喜怒顧指可使名曰黃奴習之常作歌云吾家黃
奴類黃耳 三水小牘僖宗朝宰相王鐸所愛卑脚犬
曰花鴨有刺客匿於梁上為犬所覺而免捧硯者裴至

德家僮也生一歲時有卑脚犬曰青花忽來齧兒陰食之至德有良藥封之愈 偃曝談餘趙澤民為山西廉使時畜一犬名桃花善獵有客至即呼名嗾之語家人先具酒果良久桃花必致一物如麋鹿雉兔之類無虛往 泊宅編虞經臣策元祐時為給事中初入臺值都城開渠忽有黑犬自渠中出直入其家家人輩愛之名曰渠來但無事惟喜睡至或亂據簾幃窗牖之類則經臣必有遷改錫賚之慶 合璧事類蘇子瞻來儋耳得

吠狗名烏喙甚猛而馴過合浦邁泗而濟路人皆驚

異犬 山海經天門山有赤犬曰天犬見則有兵乃天

狗星光飛流注而生行如風聲如雷光如電 山海經

陰山有獸其狀如狸白首素牙名曰天狗 楮記室至

治元年王案山產小赤犬占曰天狗墮地為赤犬其下

有大軍覆境 尸子地中有犬名曰地狼 夏鼎志掘

地得犬名曰賈 搜神記晉元康中吳郡婁縣懷瑤家

忽聞地中有犬子聲掘視之得犬子雌雄各一目猶未

開形大於常犬也。哺之而食，左右咸往觀焉。長老或曰：此名犀犬，得之者令家富昌。晉五行志：大興四年，廬江灊縣何旭家忽聞地中有犬子聲，掘之得一母犬，青釐色，狀甚羸瘦，走入草中，不知所在。視其處有二犬，一雄一雌，哺而養之。雌死，雄活，及長，為犬，善噬野獸。三水小牘：汝南臨汝縣南十八里廣城陂之西，有小山，崆峒其顛，洞穴如盎。將有大風雨，則白犬自穴出，田夫以為候。東園客談：唐伯剛云：北方凡皐雕作巢，所在官

司必令人窮巢探卵多寡若三枚必設置以守之及其
出一乃狗也取而飼養之長則獻於朝廷與常狗無異
但耳上多羽毛耳田獵之際鵬則上飛狗則陸行所逐
同至名曰鷹背狗 西使記卑鵬一產三卵內一卵生
犬灰色而毛短隨母影而走所逐禽無不獲者 雷民
傳嘗有雷民畜畋犬其耳十二每將獵必咎犬以耳動
為獲數 山海經蝮犬如犬青色食人從首始

犬異 風俗通高辛氏有老婦居王宮得耳疾挑之乃

得物大如繭婦人盛瓠中覆之以盤俄頃化為犬其文
五色因名盤瓠 玄中記昔高辛氏犬戎為亂帝曰有
討之者妻以美女封三百戶帝之狗名盤瓠亡三月而
殺犬戎以其首來帝以女妻之於會稽東南得海中土
三百里而封之生男為狗生女為美人封為狗氏 五
代史北狗國人身狗首長毛不衣手搏猛獸語為犬嘍
其妻皆人能漢語生男為狗生女為人自相婚嫁穴居
食生而妻女人食熟嘗有中國人至其國其妻憐之使

逃歸與其筋十餘隻教其每走十餘里遺一筋狗失追
之見其家物必銜歸則不能追矣 博物志徐君宮人
娠而產卵以為不祥棄於水邊獨孤母有犬名鵠倉
獵於水濱得所棄卵銜以來歸母以為異覆煖之遂成
小兒長而仁智襲君徐國後鵠倉臨死生角而九尾實
黃龍也偃王葬之徐梁界內 山堂肆考朱孺子汲於
溪上見二花犬相趣因逐之入於枸杞叢下掘之根形
如二犬烹而食之忽覺身輕飛於峰上雲氣擁之而去

搜神記文帝後元五年六月齊雍城門外有狗生角
京房易傳曰執政失下將害之厥妖狗生角 漢五行
志成帝河平元年長安人石良見物如人狀在其室中
擊之為狗走去後有數人被甲持兵弩至良格擊或死
或傷皆為狗 晉書公孫文懿家有犬冠幘絳衣上屋
此犬禍也 郭頌世語武帝時幽州有狗鼻行地三百
餘步 郡國志宋武帝伐南燕至吠狗山夜聞狗吠明
日視之見石狗 述異記朱休之家犬歌曰言我不能

歌聽我歌梅花今年故復可明年當奈何家殺犬明年
並死 北史周保定間有犬生子腰以後分為二身兩
尾六足

豕

總論 易坎為豕 春秋說題辭斗星時散精為彘

淮南子六九五十四主時時主豕故豕四月而生

朝野僉載豕之性能水故牧豕之所在必水草之交此
所以豬从豬蓋豬豬所食息也 埤雅豕喜雨故天將

雨則豕進涉水波 卞子豬性卑而率 頤生論豬無

筋 羣碎錄桐花飼豬肥大三倍 本草會編凡豬骨

細少筋多膏大者有重百餘斤食物至寡故人畜養之

甚易生息 周禮辨腥臊膾香之不可食者豕盲眊而

交睫腥 符子朔人獻燕昭王以大豕曰養奚若使曰

非大豢不居非人便不珍今年百二十矣人謂豕仙

正字通峽中家多事鬼養一豬非祭鬼不用故於豬羣

中呼鬼豬以別之 後山談叢御厨不登羶肉太祖常

畜兩彘謂之神豬熙寧初罷之後有妖人登大慶殿據
鴟尾既獲索彘血不得始悟祖意使復蓄之蓋彘血解
術云 史記留長孺以相彘立名 孔六帖扶南人喜
鬪豬 河東備錄申王謂豬既供飧不宜處於穢弊乃
以氈龕粟粥待之取其毛刷淨令巧工織壬癸席光而
且滑 魏志挹婁在扶餘東地寒甚穴居九梯俗好養
豬食其肉衣其皮以豬脂塗身厚數分以禦冬夏則裸
袒而已 養生要集白豕白蹄青爪不可食

別名 曲禮豕曰剛鬣註豕肥則鬣剛 曲禮豚曰腍

肥註腍者充滿貌 魏都賦注大豬曰封豨 古今注

豬一名長喙將軍一名參軍 承平舊纂桂林風俗曰

食蛙曰豈不勝於黑面卽哉黑面卽謂豬也一名魯津

伯 朝野僉載拱州有人畜豬以致富因號豬為烏金

抱朴子山中亥日稱人君者豬也 袁淑俳諧集使

使者豪狶命大蘭王 清異錄偽唐陳喬食蒸肫曰此

糟糠氏面目殊乖而風味不淺也 夏鼎志掘地而得

豚名曰豨

詳類 爾雅疏緒今亦曰豨江東呼豨皆通名也說文云豬豕而三毛叢居者字林云豕後蹄廢謂之豨小爾雅云豨豬也其子曰豚大者謂之豨豨一名豨郭云俗呼小豨豬為豨子謂豨犍豬也豨幼者豕之最後生者名也郭云最後生者俗呼為豨豚 爾雅豨五尺為豨註尸子曰大豕為豨五尺 說文穀小豚也豨豚生三月也縱豚生六月也或曰一歲曰縱豨豨豨豨也豨

三歲豕豶牡豕也上谷名豬曰豶豢豕息也豢以穀圈養豕也 方言豬北燕朝鮮之間謂之豶關東西或謂

之豶或謂之豕南楚謂之豢其子或謂之豚或謂之豢吳揚之間謂之豬子 何承天纂文梁州以豕為豢河

南謂之豢吳楚謂豢漁陽以大豬為豢齊徐以小豬為豢豢白豕黑頭也豢豕奏毛也 左傳註婁豬求子豬

也思通淫則狂走得牡則定 本草綱目豕類非一生

青兗徐淮者耳大生燕冀者皮厚生梁雍者足短生遼

東者頭白生豫州者喙短生江南者耳小生嶺南者白而肥 朱浮與彭寵書徃時遼東有豕生子白頭異而獻之行至河東見羣豕皆白慙而還 淮南子野蠃有

芄苢槎櫟堀虛連比以象宮室陰以防雨景以蔽日亦其智也 事物原始在山曰野豬形類家豬但腹小而脚長色褐而肉赤三歲膽中有黃 蟬史野豬一名獐生山中似豕而大毛黃而踈皮堅而厚好踐食荳稼為民患大者重二百斤能以頭觸人倒地以牙挑腸而食

之於叢鬱處含枯柴作窠藉以草茅 正字通野豕狀
如豬通志名山豬郭璞云吳楚呼為鸞豬俗呼為豨豬
朝野僉載野豬中藥箭脰薺芄而食 山海經豪豬
狀如豚而白毛毛大如筭而黑端郭璞注夾脾有麤毫
長數尺能以頸上毫射物也 山海經圖剛鬣之族號
曰豪豨毛如攢錐中有激矢 長楊賦扞豪豬師古注
豪豬名帶獠也自為牝牡者也獠音桓 事物紺珠毫
彘厥體兼資自為牝牡而生子夾髀粗毫本白端黑長

七八寸怒則激去射物恃此為能人以出類奇之故曰
豪蕤 倦遊雜錄泡魚大者如斗身有刺化為豪豬
五雜組豪豬似野豕而大能與虎鬪其毛如矢人取以
為簪云令髮不垢 本草豪豬名蒿豬 虞衡志嶺南
一種懶婦豬似山豬而小嘗噉田禾惟以機軸紡織之
具置田所則不復近 南越志昔有懶婦睡機上姑怒
之遂走投水化為此獸一枚可得脂三四斛燃之照紡
績則暗照歌舞則明習懶之性不革也今安平七源等

州峒俱有之 唐書北狄傳渤海俗所貴者曰鄭頡之

豕 說文豨

音異

修毫獸集韻作豨河內豕 山海經猫

豬大者肉重千斤 丹鉛錄毛犀即豕也狀如犀角小

善知吉凶古人謂之猫豬廣人謂之豬神 湧幢小品

豕豕類也張腹而臧畢露者也

豕異 水經蜻蛉縣有石豬圻長谷中有石豬子母數

千頭長老傳言夷昔牧此一朝化為石迄今夷人不敢

往牧 搜神記永嘉中壽春城內有豕生人兩頭而不

活紀聞唐開元十八年京中菩提寺有長生豬體柔肥碩在寺十餘年其歲豬死僧焚之火既燼灰中得舍利百餘粒五行志元和八年長安西市有豕生子三耳八足唐書咸通七年徐州蕭縣民家豕出國舞

搜神記晉有一士人姓王在吳郡還至曲阿日暮引船上當大埭見埭上有一女子年十七八便呼之留宿至曉解金鈴繫其臂使人隨至家都無女人因逼豬闌中見母豬臂有金鈴幽怪錄郭元振自晉之汾夜行入

一宅遇烏將軍取佩刀斫其腕而斷之將軍失聲而走
天明視其手乃豬蹄也尋血而行入大冢中見大豬無
前蹄走出而斃

貓

總論 禮郊特牲迎貓為其食田鼠也 玉屑中國無
貓種出於西方天竺國不受中國之氣貓死不埋在土
挂於樹上 埤雅貓旦暮目睛皆圓及午即從歛如線
其鼻端常冷唯夏至一日暖蓋貓陰類也故其應陰氣

如此世云薄荷醉貓死貓引竹 事物原始貓眼旦暮
睛圓子午一線卯酉正圓辰戌丑未棗核尖寅申巳亥
銀杏樣 山堂肆考貓口中三坎捉一季五坎捉二季
七坎捉三季九坎捉四季言口內有九坎者能四季捉
鼠也 埤雅貓亦如虎畫地卜食今俗謂之卜鼠 留
青日札貓食黃魚而癩 日抄貓見寅人而食子 爾
雅翼貓耳經捕鼠之後則有缺如鋸猶虎食人而鋸耳
也 酉陽雜俎貓毛不容蚤蟲黑者暗中逆循其毛即

如火星俗云貓洗面過耳則客至 鳥獸續考北人嘗
云貓不過楊子江言貓過金山則不復捕鼠厭者至金
山剪一紙貓投水中則不忌 南部通書連山張大夫
搏好養貓衆色備有皆自製佳名每視事退至中門數
十頭曳尾延頸盤接入以綠紗為幃聚其內以為戲或
謂搏是貓精 北史獨孤陀性好左道其外祖母高氏
先事貓鬼已殺其舅郭沙羅因轉入其家每以子日夜
犯之言子者鼠也其貓鬼每殺人者所死家財物潛移

於畜貓鬼家

名類 酉陽雜俎楚州謝陽出貓有褐花者靈武有紅
叱撥及青驄色者貓一名蒙貴一名烏圓 爾雅注蒙
頌即蒙貴捕鼠勝貓 廣東通志獐有黑白黃狸狀
類猫而大亦高足而結尾捕鼠捷於貓也諸國皆產惟
暹羅者良舶估挾至常貓見而避之豪家每十金易一
云 西使記香貓似土豹糞溺皆香如麝 庶物異名
疏銜蟬貓名見拾遺記山谷詩買魚穿柳聘銜蟬 清

異錄武宗十玩圖謂貓曰鼠將唐餘錄建州刺史家

月夜有七八白衣相語曰白老將至奈何白衣者鼠白
老者貓也山川紀異河南永寧天壇山中岩有仙貓
洞世傳燕真人丹成雞犬俱昇仙貓獨不去人嘗見之
就洞呼仙哥則聞有應者採蘭雜志貓一名女奴

記事珠張搏好貓其一曰東守二曰白鳳三曰紫英四
曰怯憤五曰錦帶六曰雲圖七曰萬貫皆價值數金

清異錄余在輦轂至大街見揭小榜曰虞大博宅失去

貓兒色白小名白雪姑

貓異 酉陽雜俎平陵城古譚國也城中有一猫常帶金鐐有錢飛若蛺蝶土人往往見之 稽神錄王建稱尊於蜀其嬖臣唐道襲為樞密使夏日在家會大雨其所畜猫戲水於簷溜下道襲視之稍稍而長俄而前足及簷忽爾雷霆大至化為龍而去 東陽夜怪錄成自虛雪夜於東陽驛寺中遇苗介立吟詩曰為慙食肉主恩深日晏蟠蜿卧錦衾次日視之乃一大駁猫兒也

七修類藁杭州城東真如寺弘治間有僧曰景福畜一
貓日久馴熟每出誦經則以鎖匙付之於貓及回時擊
門呼其貓貓乃銜匙出洞交主也或他人擊門無聲或
聲非其僧永不應之後山談叢廬州有坐化猫 五
雜組天順間西域有貢猫者盛以金籠頓館驛中嘗結
壇於城中高處置貓其中翌日視之鼠以萬計皆伏死
壇下曰此猫一作威則十里內鼠盡死蓋猫王也

猿

附猿
獨

果然

說文猿屬或黃或黑 春秋繁露猿似猴大黑色長
前臂 淮南子五九四十五主音音主猿猿故五月
而生 周索氏孝子傳猿通胛輕巢善緣能於空輪轉
格物總論猿不踐土石超遙於萬水之間惟通臂輕
身故善緣能引氣故得壽天氣澄霽則長嘯霧雨昏暗
則無聲人每當其吟雌之時而捕獲之則亦不復生矣
珍珠船猿雄能嘯雌不能也猿性不耐著地著地輒
瀉以死 埤雅猿性靜夜嘯常風月肅然 宜都山川

記峽中猿鳴至清山谷傳其響泠泠不絕行者歌之曰
巴東三峽猿鳴悲猿鳴三聲淚沾衣 郭仲產荊州記
巴東三峽猿長鳴至三聲聞者莫不垂淚 謝靈運遊
名山記觀挂猿下飲百臂相連 天寶遺事商山隱士
高太素所居曰清心亭每一時至則有猿啼於庭下謂
之報時猿 抱朴子猿壽五百歲則變為獼猴千歲則變
為老人 元康地記猿與獼猴不共山宿臨旦相呼
埤雅舊說猿鳴而獼候之故東晉發蒙記曰獼以猿為

婦也 白六帖蜀鄧艾見玄猿抱子在樹上引弩射之

中猿母具子為拔箭捲樹葉塞瘡 梁四公記東南絕

徼之外有女國以猿為夫生男類父而入山谷晝伏夜

遊生女則巢居穴處 杜陽編同昌公主疾甚醫者云

紅蜜白猿脂食之可愈內庫得白猿脂數甕本南海所

獻 天中記猿食果故其膽黑甜 酉陽雜俎猿臂可

為笛吹之其聲圓如竹 古今注猿一名叅軍 吳越

春秋越有處女出於南林之中道逢老人自稱袁公女

舉杖擊之飛上樹變為白猿 異聞錄王績遊嵩少選

一散岩石堂績棲止焉月夜見一胡鬚蒼白而瘦稱山
公與績談論往往有異績疑其怪取鏡光出而胡者走
失化為猿而殞 因話錄李約多蓄古器養一猿名山
公嘗以之隨逐月夜泛江登金山擊鐵鼓琴猿必嘯和
傾壺連旦不俟外賓約汧公子也 王氏見聞王仁裕

嘗從事於漢中家於公署巴山有採捕者獻猿兒焉憐
其小而慧黠使人養之名曰野賓呼之則應經年充博

壯盛頗為患乃於頸上繫紅綃一縷題詩送之於孤雲
兩角山 清異錄華山道士李道殷山棲谷飲有奇術
能攝伏鬼神畜一黑猿呼為臂童道殷於菴側古松上
以茅草枝營一巢為臂童寢息之所名峻青宅 抱朴
子山中申曰稱九卿者猿也 廣異記巴西有巨猿自
稱巴西侯 樹萱錄王縉嘗讀書嵩山有四叟攜榼來
相訪自稱木巢南林大節孫文蔚石媚虬高談劇飲既
醉俱化為猿升水而去 桂海記猿有金絲者黃色玉

面者黑色及身面皆黑者或云黃者牡黑者牝能嘯
牡不能也 山海經堂庭之山發與之山其上多白猿

北戶錄段公路咸通十年往高涼程次青山鎮其山
多猿有黃緋者絕大毛彩殷鮮真謂奇獸多羣行玄者
善啼啼數聲則衆猿叫嘯騰擲如相呼焉其音淒入肝
脾韻含宮徵因召獵者捕而養之名曰巴兒極馴不貪
食於樹杪間呼之則至後自潘州回路歷仙虛聞舊山
猿啼不食而卒乃積薪藏坎

狨 癸辛雜志武平素產金線狨大者難馴小者其母
抱持不少置法當先以藥矢斃其母既中天度不能
自免則以乳汁遍灑林葉間以飲其子然後墮地死邑
人取其母皮痛鞭之其子亟悲鳴而下束手就獲蓋每
夕必寢其皮而後安不則不可育 楊文公談苑狨蓋
猿狖之屬輕捷善緣木大小類猿長尾尾作金色俗為
金線狨是也生川陝深山中人以藥箭射殺取其皮為
卧褥鞍被坐氈之用狨甚愛其尾既中毒即齧斷其尾

以擲之惡其為身患也或云猧毛以藉衣不皺 陳貞
父寶雞錄嘗見鬻皮於市似猿猧而長尾尾色紅問之
曰猧也去來林間如飛猿猧之族千百為羣出采山核
猧至莫不俯首帖服不敢張目視猧歷視其肥腴者取
小石或落葉識其首噉且飽猧卧或它去猿猧散走其
首有識者惴惴待牙吻無動其黠者乘間竊取首所識
移之隣已得脫去而隣代之矣 玉堂閒話猧者猿猧
之屬其雄毫長一尺尺五者常自愛護之如人披錦繡

之服也極嘉者毛如金色今之大官為暖座者是也生於深山中羣隊動成千萬雄而小者謂之狨奴獵師採取者多以桑弧檣矢射之其雄而有毫者聞人犬之聲則捨羣而竄拋一樹枝接一樹枝去之如飛或於繁柯穠葉之內藏隱其身自知茸好獵者必取之其雌與奴則緩緩旋食而傳其樹殊不揮霍知人不取之則有攜一子至一子者甚多其雄有中箭者則拔其矢鏃之覺有藥氣則折而擲之嘖眉愁沮攀枝蹲於樹巔於時藥

作拙掣手足俱散臨墮而却攬其枝如是者數十度前後嘔噦呻吟之聲與人無別每口中涎出則悶絕手散墮在半樹接得一細枝稍懸身移時力所不濟乃墮於地則人犬齊到斷其命焉獵人求嘉者不獲則便射其雌雌若中箭則其子擣去復來抱其母身去離不獲乃母子俱斃

果然 吳錄地理志九真胥浦縣有獸名果然猿狖類也色青赤有文居樹上此郡及日南皆有之 南方草

物狀果然獸生在山林上民人以弓毒射之剝取皮皮
文青赤白色縫相連作席 南州異物志交州以南有
果然獸其鳴自呼身如猿犬面通身白毛具體不過三
尺而尾長四尺餘反尾度身過其頭視其鼻仍見兩孔
仰向天其毛長柔細滑澤色以白為質黑為文視如蒼
頭鴨脅邊斑文集十餘皮可得一褥繁文麗好細厚溫
煖 埤雅獠獸似猿青身黑頰有髯髯黑其手亦黑性
好理髯又愛其類生相序死相赴殺一可以致百舊說

獾皮五色中為茵毯 段氏遊蜀記戎人進果然褥阜

褐碧三色相間 夷堅續志果然似猿而差大行則大

者前小者後有為射中者則生者拔死者箭自刺而死
可謂仁義之獸矣 李肇國史補揚州人取一果然而

數十果然可得蓋果然不忍傷其類聚族而啼雖殺之
不去也此獸獸狀而人心薄俗有不如者果然大類猩
猩 天中記果然九真土人號曰歌然

獨 感應類從譜獨一呌而猿散蓋獨猿類也似猿而

大食猿俗謂之獨猿其一鳴猿皆騰木拔林振動悼慄而避匿之矣

猴

附 獼 雌

虞

總論 埤雅猴候也此獸無脾以行消食蓋猿之德靜以緩猴之德躁以驚 野人閒語蜀中有楊千度者善弄胡孫人問其術曰胡孫乃獸實不會人語先餌以靈砂變其獸心然後可教耳 珍珠船御馬監山猴十隻日食白米一斗紅棗二觔八兩 北夢瑣言獼猴見僧

即必圍繞狀如供養戎瀘夷獠亦啗此物但於野外石上跏趺而坐以物蒙首有如坐禪則必相悅而來馴擾之逡巡衆云唯留一個伴假僧偶坐僧以斧擊將歸充食人以其害稼乃致酒糟盆盛措於野逕仍削木棒可長一二尺者三五十條於側邊其猴啗糟醉後拈棒相擊脚手損折由此併獲 龐元英談數漁溪云曩在筠州新昌縣嘗出遊歷將至五峰馬上遙見山中草木蠕蠕動疑為地震馭者云滿山皆猴也數以千萬計行人

獨過常遭戲虐每羣呼跳浪而至扳緣頭目冒項手足
袞成毛毬雖有兵刃亦無所施往往致死

韻府續編

瓜哇國山中多猴不畏人呼以霄霄之聲投以果則其
二大猴先至土人謂之猴王猴夫人俟其食畢羣猴始
食其餘 鳥獸續考瓜哇國其港口有一洲林木深茂
有長尾獼猴萬數聚止於上有一黑色老雄猴為主脚
一老番婦人隨側其國中婦人無子嗣者備菓酒飯餅
之類往禱於老猴喜則先食物餘令諸猴食爭奪食盡

其物即有雌雄二猴來前交感為驗此婦回家即便有孕否則無孕也 珍珠船道州有舜祠凡遇正月初吉山狙羣聚到祠旁以千百數跳浪奮擲狂奔疾走如是者五日而去次狙亦如之三日乃去土人謂之狙狙朝廟抱朴子獼猴八百歲變為猿又五百歲變為獾又一千歲變為蟾蜍後山談叢峽中有坐化胡孫抱朴子滕永叔常有大獼猴鎖著牀間犬忽齧殺之永叔便合鎖埋之後百許日有見鬼者往見獼猴走上永叔

承塵上不悟是鬼也驚指之曰獼猴何以被傷血流斷足乎永叔曰始乃知猴死復有鬼也 異物志南方人以獼猴頭為鮓 珍珠船漁人以猢猻毛置網四角則多得魚云魚見之如人見錦繡也

名號 廣雅猴一名狙一名王孫一名胡孫 楊慎外集狙一名葛狎 格物總論猴猻也獼也楚人謂之沐猴狀類人毛色黃有尾 清異錄武宗為王時畜禽獸為十玩猴曰惺惺奴 幕府燕閒錄唐昭宗播遷隨駕

有弄猴能隨班起居昭宗賜以緋袍號供奉又謂之猴
部頭羅隱詩何如學取孫供奉一笑君王便著緋是也
朱梁篡位取猴令殿下起居猴望見全忠徑趨而前跳
躍奮擊清異錄郭休隱居太山畜一胡孫謹恪不踰
規矩呼為尾君子古今詩話京師優人以雜物數十
種布地使人暗記物色然後遣沐猴認之每沐猴得之
優人即曰道著也馬留馬留蓋優人呼沐猴之名劉
玉已瘡編丞相胡惟庸畜胡孫十數衣冠如人有客至

則令供茶行酒能拜跪揖讓吹竹笛聲尤佳又能執朱
戚舞蹈人稱之為孫慧郎 抱朴子山中申日稱人君
者猴也

詳類 詩義疏 猱獼猴也老者為獼獼獼獼駿捷也其
鳴噉噉而悲 寰宇記戎州夷地出獼獼似猿而四足
短一騰一百五十步迅如鳥飛 名義考為母猴其為
禽好爪有作造之意故凡作造曰為 崇安志武夷山
多獼猴其小者僅如拳 山堂肆考萬州城南有道士

畜一胡孫小於蝦蟆以線繫几案間道士飯已即登几食其餘 天監起居注林邑王范績乞內附為臣獻白猴一頭 事物紺珠紅猴出百花國 霏雪錄地猴形極小人馴養之縱入黃鼠穴銜其喙曳而出之 物類相感志海猴生海中候潮出沒形如豬鼻吼聲腦上有孔噴水直上數丈人先得其子繫在水中其母自來就之因而取之其子常隨母也 庶物異名疏前兒猴屬周書王會穢人前兒前兒若獼猴立行聲似小兒穢韓

穢也東夷別種 山堂肆考騰豸一名騰豺沐猴類也
頭方正貌類人髮長尺餘常覆面欲有所視輒搖頭以
兩手披之


獼 爾雅註獼獼也似獼猴而大色蒼黑能攫持人好
顧盼 本草獼純牡無牝攝人婦為偶生子故名獼父
搜神記蜀中西南高山之上有物與猴相類長七尺
能作人行善走逐人名曰獼國一名馬化或曰獼伺道
行婦女年少者輒盜取將去人不得知若有行人經過

其旁皆以長繩相引猶故不免此物能別男女氣臭故
取女男不知也若取得人女則為家室其無子者終身
不得還十年之後形皆類之意亦惑不復思歸其有子
者輒抱送還其家產子皆如人形有不養者其母輒死
故懼怕之無不敢養及長與人不異皆以楊為姓故今
蜀中西南多姓楊率皆是獬國馬化之子孫也

虞 神異經西方獸名獬大如驢狀似猴善緣木純牝
無牡羣居要路執男子合之而孕十月生獬 爾雅註

建平山中有獐大如狗似獼猴黃黑色多髯鬣好奮迅其頭能舉石槲人獲類也

雌 爾雅雌邛鼻而長尾註雌似獼猴而大黃黑色尾長數尺似獼尾末有岐鼻露向上雨即自懸於樹以尾塞鼻或以兩指江東人亦取養之為物捷健 葆光錄傳弘業宰天台縣有人獵得一獸形如豕仰鼻長尾有岐人謂之怪傳識之曰雌非怪也



格致鏡原卷八十七

欽定四庫全書

子部

格致鏡原卷

八十八至
九十

詳校官中書臣羅錦森

侍讀臣孫球覆勘

總校官中書臣朱鈐

校對官原任典簿臣郭祚熾

謄錄監生臣楊其梓

謄錄舉人臣查浩

欽定四庫全書

格致鏡原卷八十八

大學士陳元龍撰

獸類

七

狐

總論 說文狐妖獸也鬼所乘也 白虎通狐有三德

其色中和小前大後死則首丘謂之三德 易小狐汔

濟濡其尾 格物總論狐形似黃狗鼻尖尾大捕之者

多用置陶隱居云江東無狐出北方及益州今江南亦

時有京洛尤多

述征記盟津寒則冰厚數丈冰合車

馬未敢過要須狐行云此物善聽水下無水聲乃過人
見狐行方渡 水經注狐性多疑 埤雅舊說狐有媚
珠又曰狐禮北斗而靈善變化其為物妖淫 玄池說
林狐之相媚也必先呂以口相接 玄覽千年之狐姓
趙姓張五百年狐姓白姓康 抱朴子千歲之狐知將
來 朝野僉載唐初已來百姓多事狐神房中祭祀以
乞恩食飲與人同之事者非一主當時有諺曰無狐魅

不成村 淮南子犀角駭狐以犀角置狐穴中狐不歸
廣異記唐有楊氏者二女并嫁胡家小胡郎為主母
所惜大胡郎謂其婢曰小胡郎乃野狐爾丈母乃不惜
我反惜野狐婢還白母問何以知之答云宜取鵲頭懸
戶上小胡郎若來令妻呼伊祈熟肉再三言之必當走
也楊氏如言小胡郎果走故今人相傳云伊祈熟肉辟
狐魅甚有驗也 玄中記鉛錫之精為狐狸 抱朴子
山中戌日稱城陽公仲者狐也 山堂肆考飛狐道相

傳有狐於紫荆嶺食松五粒成飛仙故名

詳類 楚辭封狐千里注大狐也健走千里 白六帖

禹年三十未娶曰吾娶必有應後乃有白狐九尾而應之 宋書白狐王者仁智則至 河圖白帝生先致白

狐 穆天子傳天子獵於滲澤得白狐 晉錄咸寧二

年有白狐七尾見汝南 瑞應編周文王拘羑里散宜

生詣塗山得青狐以獻紂免西伯之難 王會圖玄模

黑狐也 山海經武都之山黑水出焉其上有玄狐蓬

尾注蓬大也其狀銳口而大尾 宣室志李林甫方居
相位嘗退食至於堂之前軒見一玄狐其質甚大若牛
馬而毛色黧黑有光林甫命弧矢將射之已亡見矣其
歲林甫籍沒 春秋運斗樞機星得則狐九尾 白虎
通狐九尾何狐死首丘不忘本也明安不忘危也必九
尾者也九妃得其所子孫繁息也於尾者何明後當盛
也 瑞應編九尾狐者神獸也其狀赤色四足九尾出
青丘之國音如嬰兒食者令人不逢妖邪之氣及蠱毒

之類 酉陽雜俎道術中有天狐別行法言天狐九尾
金色役於日月宮有符有醮目可以洞達陰陽

狐怪 抱朴子狐壽八百歲三百歲即解變為人 名
山記狐者先古之淫婦也其名曰紫化而為狐故其怪
多自稱阿紫 玄中記狐五十歲能變化為婦人百歲
為美女為神巫或為丈夫與女人交接能知千里外事
善蠱魅使人迷惑失智千歲即與天通為天狐 酉陽
雜俎野狐名紫夜擊尾出火將為怪必戴髑髏拜北斗

觸體不墜則化為人矣 宋高僧傳什志玄者河朔人
曾至絳州夜泊墓林中其夜月色如晝見一狐從林下
將觸體置首搖之落者不顧不落者戴之更取芳草墮
葉遮蔽其身俄成美女素服立於道左微聞有馬行聲
女子哀泣悲不自勝少選有乘馬郎至與言久之欲將
偕去玄從林中出謂之曰此狐也其人不信玄乃振錫
胡語女遂化狐而走其人叩頭悔過焉 南部新書晉
天福甲辰歲公安滄渚民家犬逐一婦登木而墜為犬

咬死乃老狐也尾長七八尺 宣室志張鉞遇巴西侯
置酒邀玄丘校尉至一人衣黑衣天將曉鉞憐寤一狐
卧於前蓋所謂玄丘校尉也 廣異記睢陽郡宋王冢
旁有一老狐每至衙中邑中之狗悉往朝之狐坐冢上
狗列其下東都王老有雙犬能咋魅前後殺魅甚多宋
人相率以財雇犬咋狐王老牽犬往犬乃逕詣諸犬之
下伏而不動大失宋人之望今世人有不了其事者相
戲云取睢陽野狐犬 奇事記驪山下有一白狐驚撓

山下人不能祛除唐乾符中忽一日突溫泉自浴須臾之間雲蒸霧湧狂風大起化一白龍昇天而去後或陰暗往往有人見白龍飛騰山畔如此三年忽有一老父每臨夜即哭於山前數日人乃伺而問其故老父曰我狐龍死故哭爾人問之何以名狐龍老父又何哭也老父曰狐龍者自狐而成龍三年而死我狐龍之子也人又問曰狐何能化為龍老父曰此狐也稟西方之正氣而生狐白色不與衆遊不與近處狐託於驪山下千餘

年後偶合於雌龍上天知之遂命為龍亦猶人間自凡而成聖耳言訖而滅

貍附貉 獾

總論 爾雅疏字林云貍伏獸似羆其子名隸郭云今或呼羆貍 封禪書注徐廣曰貍一名不來 埤雅羆之伺物卑身而伏以候教者似羆而小文彩班然異於羆貉 名物考鄭氏云貍善搏者也行則止而擬度焉其發必獲是以量侯道取象焉詩曰取彼狐貍為公子

裘言狐善疑狸善擬不可以有為故古者以為燕居之
裘齊大夫東郭書衣狸製是也 物類相感志淮南子
云狸頭愈鼠許慎曰狸能執鼠故愈也 埤雅袁狎曰
河冰上有狸迹便堪人度崔劼以為狸當作狐狐性好
疑故渡冰輒聽不知所謂聽冰非狐性獨然狸亦有之
也 淮南子繆稱訓今謂狐狸則必不知狐又不知狸
非未嘗見狐者必未嘗見狸者 禮內則食狸去正脊
注為不利於人也

詳類 格物論狸形似貓其文有二一如連錢者一如虎紋者肉味與狐不相遠皆可作羹臠 正字通狸有

數種大小似狐毛雜黃黑有斑如貓員頭大尾者為貓狸善竊雞鴨肉臭不可食斑如羆虎方口銳頭者為虎狸食蟲鼠果實 格物論狸似虎斑亦有似貓斑者又一種香狸有麝氣一種面白而尾似牛名玉面狸又名牛尾狸專食百果 廣雅玉面狸人捕畜之鼠帖服不敢出 格物論一種似兔而短多棲息高水候風吹之

而過他木謂之風狸 霏雪錄風狸止食山果而乘風
過枝甚捷味獨勝他狸宜糟食尤佳 酉陽雜俎風狸
生南中者長好羞見人則低頭溺可治風 博物志有
獸緣木文似豹名虎僕毛可取以為筆俗名九節狸是
也 格物論晝伏夜出金眼長尾黑質白章尾文九節
名九節狸性狡而捷好捕鼠 正字通似虎狸尾黑白
錢文相間者為九節狸皮可為裘領宋史安陸州貢野
貓花貓即此二種也 事物紺珠五段狸尾黑白文相

間各五段肉肥美海貍出東海上島中產乳逢人則化
魚入海 異物志靈貍一體自為夫婦故能媚人 丹
鉛總錄楚辭九歌乘赤豹兮載文貍王逸注云神貍而
不言其狀按山海經亶爰之山有獸焉狀如貍而有髦
其名曰類自為牡牝余在大理嘗見之其狀如貍其文
如豹土人名曰香髦疑即此物也星家衍心星為狐二
十八宿真形圖心星有牡牝兩體王逸所謂神貍之說
乎

狸怪 抱朴子千歲之狸變為好友 抱朴子山中寅

日稱令長者老狸也 齊諧記張華為司空時燕昭王

墓前有一斑狸化為書生詣張公談論三日不屈 異

聞錄王度至長安程雄家雄新受寄一婢頗端麗名曰

鸚鵡度疑其精魅引鏡逼之化為老狸而死 幽明錄

漢董仲舒嘗下帷獨詠忽有客來風姿音氣殊為不凡

與論五經究其微奧仲舒素不聞有此人而疑其非常

乃謂之曰巢居知風穴處知雨卿非狐狸即是老鼠客

聞此言色動形壞化成老狸蹶然而走 異苑長山留
元寂宋元嘉十九年曾捕得一狸剖腹得一狸又破之
更獲一狸方見五臟三狸雖相抱懷而大小不殊元寂
不以為怪以皮挂於屋後其夜有羣狸遶之號呼失皮
所在元寂家亦無他

貉 函史物性志貉一名𧢲

爾雅𧢲

音貉

子𧢲注其雌

者名𧢲今江東呼貉為𧢲𧢲 字林貉似狸其營窟與
獾皆為曲穴以避雨暘亦以防患俗云獾貉同穴而異

處獮之出穴以貉為導 墨客揮犀貉狀似兔性嗜睡

人或畜之行數十步輒睡以物擊竹警之乃起既行復

睡 陳禹謨名物考楚蜀界中多貉俗名野馬其皮紋

上員下方旁如魚鳥狀寢處其皮者立能解醒設有警

急輒毛豎乃知古人用以製裘不特取其溫厚也 考

工記貉踰汶則死地氣然也 困學紀聞考工記貉踰

汶則死儒以汶為魯之汶水列子釋文云按史記汶與

嶠同謂汶江也今江邊人云狐不渡江說文狐貉類也

踰越大水則傷本性

獾 事物原始獾色黃而微黑尾短毛臭而肉羶山陝
遼東皆謂之狗獾吳越皆呼刁黃善為曲穴而避藏防
人害也 本草綱目獾豬獾也獾狗獾二種相似而略
殊遼東女直有海獾皮可為裘領亦此類也 格物總
論獾肥矮毛微灰色頭連脊毛一道黑背尖黑尾短濶
蒸食之極美 正字通豬獾一名獾狫狀似小豬體肥
行鈍穴居足尾短褐毛尖喙能孔地食蠱肉有土氣蘇

頌所言似犬而矮黑色乃狗獮非獮也 五雜組獮如
犬穴地中常以夜出田野覓食雞鳴即還其行皆有熟
路土人覓其穴置罝於穴口雞鳴時縱犬嗾之奔而入
穴即獲焉其肉膾甚不能多啖也

兔

總論 春秋運斗樞玉衡星散而為兔瑤光行失則兔
出月注陰不銜陽故兔出月 典略兔者明月之精
論衡儒者言月中有兔夫月水也兔在水中則死夫兔

者月氣耳 埤雅兔視月而孕故楚辭曰顧兔在腹言
顧兔居月之腹而天下之兔望焉於是感氣益咀嚼者
九竅而胎生獨兔雌雄八竅五月而吐子里俗又謂視
顧兔而感氣故卜秋月之明暗以知兔之多寡 論衡
兔舐雄豪而孕及生子從口中出 埤雅兔吐而生子
故謂之兔兔吐也 格物總論兔鼠形尾匾彎短大如
貓毛色褐耳大而銳且卓口缺長鬚尻九孔跣居趨捷
善走 淮南子孕婦見兔而子缺唇 水蘭歌雄兔脚

撲揪

一作朴
握撲朔

雌兔眼迷離

抱朴子兔壽千歲滿五百

歲則色白

齊策馮諼謂孟嘗君曰狡兔有三窟僅得

免其死耳

五雜組狡兔遇鷹來撲輒仰卧以足擘其

爪而裂之鷹即死惟鵲則不用爪而以翅擊之使翻便

啄其目而攫去又鷹遇石則不能撲兔見之輒依巖石

傍旋轉鷹無如之何則盤飛其上良久不去人見而迹

之免可徒手捉得也 稽神錄楊邁田獵放鷹於野見

草中一兔跳躍搏之無有如是者三即其草而求之得

兔骨一具蓋兔之鬼也 考異郵熒惑不明雉生兔焉

述異記殷紂時兔生角是甲兵將興之兆 竹書紀

年宣王三十年有兔舞於鎬京 禮記祭宗廟之禮兔

曰明視 雲窗私志后羿獵於巴山獲一兔大如驢異

之置柙中中途失去柙掩如故羿夜夢一人冠服如王

者謂羿曰我鵲扶君為此土之神而何辱我我將假手

於逢蒙是日逢蒙弑羿而奪之位兔曰鵲扶自此始也

抱朴子山中卯日稱丈人者兔也 爾雅翼岳陽人

以免為地神無敢獵者 清異錄韋巨源上燒尾食以
純兔為卯羹 遼志三月三日國人以木雕為兔走馬
射之呼此節為淘裏化漢人云淘裏是兔化是射

詳類 爾雅疏兔之子名嬖郭云俗呼曰魑其迹名迹
字林云迹兔道也絕有力者名欣 廣志兔大者曰鼯

格物論一種似兔而大青色形與兔同足與鹿同是
謂之兔亦兔類也 瑞應國王者恩加耆老則白兔見
古今注成帝建平元年山陽得白兔目赤如朱 瑞

應圖赤兔者瑞獸也王者盛德則至 晉書載記石勒時獲黑兔或以為勒革命之祥於晉以水承金兔陰精之獸玄為水色於是改年太和 通考宣和元年淄州獲黑兔 清異錄亳社吉祥僧刹有僧誦華嚴大典忽一紫兔自至馴伏不去隨僧坐起聽經坐禪惟食菊花飲清泉僧呼菊道人 春秋後語淳于髡說齊威王曰東郭窺者海內之狡兔也 天玄主物簿孕環之兔懷於左腋毛有文彩間色至百五十年當轉環於腦能隱

形人不能見矣 酉陽雜俎韋絢言巴州兔作狸斑

酉陽雜俎明月兔狀如兔前脚長數寸後脚尺餘尾長
白而彎趨捷善走出河西 埤雅契丹北境有跳兔前
足纔寸許後足幾一尺行則用足跳一躍數尺止則蹶
然仆地 金幼孜北征錄沙穴中跳兔大如鼠其頭目
毛色皆兔爪足則鼠尾長其端有毛或黑或白前足短
後足長行則跳躍犬不能獲 括地圖天池之山有獸
如兔名曰飛兔以背毛飛 洞冥記北極有潰陽之山

有兔如鼠能飛毛色光如漆以腦和丹食之則不死
拾遺記昆吾山有獸大如兔毛色如金食土下之丹石
深穴地以為窟亦食銅鐵膽腎皆如鐵其雌者色白如
銀

獺

說文獺如小狗水居食魚獺屬也 漢書賈誼傳恤鰥

獺以隱處兮應助注獺水蟲害魚者也 本草會編獺

四足俱短頭與身尾俱褊毛色若故紫帛大者身與尾

長三尺餘食魚居水中出水亦不死 格物總論獺水
狗形類犬頭如馬身如蝙蝠鼻尖尾大 埤雅獺獸西
方白虎之屬似狐而小青黑色 汲冢周書雨水之日
獺祭魚獺不祭魚國多盜賊 禮記獺祭魚然後漁人
入澤梁 埤雅獺取鯉於水裔四方陳之進而弗食世
謂之祭魚蓋自祭其先如羆豺然 山堂肆考獺一歲
二祭豺祭方獺祭圓言豺獺之祭皆四面陳之而獺圓
布豺方布也俗傳獺祭魚將魚羅列於前取黃頰魚一

枚以爪按其頭作聲如人有巫祝也故俗呼黃鰮魚為
魚師祭畢鰮食諸魚而縱魚師於水續齊諧記魏明
帝遊洛水水中有白鰮數頭美靜可憐見人輒去帝欲
見之終莫能遂侍中徐景山曰鰮嗜鰮魚乃不避死畫
板作兩生鰮魚懸置岸上於是羣鰮競逐一時執得
朝野僉載通川界內多鰮各有主養之並在河側岸間
鰮若入穴插雉尾於鰮孔前鰮即不敢出去却尾即出
取得魚必須上岸人便奪之取得多然後放令自喫喫

飽則鳴板以驅之還插雉尾更不敢出 酉陽雜俎元
和末鈞州卽鄉縣民有養獺十餘頭捕魚為業隔日一
放將放先閉於深溝石門內令饑然後放之無網罟之
勞而獲甚厚令人抵掌呼之羣獺皆至緣衿藉膝馴若
守狗 陳繼儒筆記永州養馴獺以代鷓鴣沒水捕魚
常得幾十斤以供一家甚有能擲鰲者 蟬史獺又能
捕鳥見鳬鷺羣在則仰卧於水離水面尺許吐沫引之
鳥見沫浮羣飛啄之獺乃以四足抱鳥如鳥賊之擒魚

也 格物論獺亦能休於大木上世謂之水獺嘗有縻
置大水甕中於其間旋轉如風水為之成旋壠起四面
高中心凹下觀者駭目海獺大如狗脚下有皮如人駢
拇毛著水不濡海人亦食其肉皆獺之屬也 李時珍
本草今人取海獺皮為風領亞於貂 鳥獸續考世傳
補助奇僻之品有所謂山獺者以少許磨酒飲之立驗
然本草醫方皆所不載止見桂海虞衡志獺性淫毒山
中有此物凡牝獸悉避去獺無偶其骨能解箭毒殺死

者功力劣抱木枯死者土人自稀得南丹州即此物所
產之地其土人號之曰插翹一枚直黃金數兩私貨出
界者罪至死方春時猺女數千歌嘯山谷以尋藥挑菜
為事獺性淫或聞婦人氣必躍升其身次骨而入牢不
可脫因扼殺而藏之土人驗之之法每令婦人摩手極
熱取置掌心以氣呵之即趯然而動蓋為陰氣所感故
耳 東哲發蒙記獺以猿為婦 埤雅獺飲酒而斃
本草西戎以獺皮飾毳服領袖則污垢不染如風霾翳

目即以袖口拭目中即出拾遺記吳孫和悅鄧夫人
嘗舞水精如意悞傷夫人頰血流嬌婉彌苦命太醫合
藥醫曰得白獺髓雜玉與琥珀屑當滅此痕即購白獺
髓有富春漁人云此物知人欲取則逃入石穴伺其祭
魚之時獺有鬪死者穴中應有枯骨雖無髓其骨可合
玉春為粉散於瘡上其痕則滅和乃命合此膏琥珀太
多及差而有赤點如朱逼而視之更益其妍叙例獺
膽分盃嘗試云不驗惟塗於盞唇但使酒稍高於盞面

分孟之事亦古今傳誤言也 本草蘇頌曰諸畜肝葉皆有定數獨獺肝一月一葉十二月十二葉其間又有退葉用之須見形可驗不爾多偽也 周處風土記陽

羨縣前有大橋下有獺將有兵動獺出穴口西向而嚙搜神記吳郡無錫陂吏丁初於雨中循隄防見小婦人上下青衣戴青傘來追初急行回顧婦人自投陂中乃是大蒼獺衣傘皆荷葉也此獺化為人形數媚年少者也 九國志楚廖光圖與伊岳道士伊用昌為林泉

之交母病思鱸屬江水夏漲魚不可得用昌探懷得一
木獺長三寸許再三祝之投於江中須臾波浪沸逐擒
一巨鱗出獺著魚背堅不可脫用昌舉之木獺耳因取
鱸母愈 朝野僉載柳州刺史王琚刻木為獺沉於水
中取魚引首而出蓋獺口中安餌為轉關以石縋之則
沉魚取其餌關即發口合則銜魚石發則浮出

鼠

總論 易艮為鼠 格物總論鼠小獸善為盜 蘇海

錄鼠之前爪四指陰也後爪五指陽也故為陰陽之始
終 埤雅鼠性疑出穴多不果故持兩端謂之首鼠鼠
類最壽俗謂之老鼠是也 雨航雜錄鼠於果熟時竊
取覆藏之有人掘鼠穴得栗橡百果多至石故北人目
善畜財者曰鼠鼠首出穴先觀望前却故謂之首鼠北
人目南人為鼠以其善窺探也 酉陽雜俎凡鼠食死
人目睛則為鼠王俗云鼠齧上服有喜凡齧衣欲得有
益無益皆凶 彙苑鼠咋人衣帽則有福祿至大吉

淮南子狸頭愈鼠注鼠齧人創狸愈之 博物志鼠食

巴豆三年重三十斤 朝野僉載礮石可以害鼠張鷟

曾試之鼠中毒如醉亦不識人猶知取泥汁飲之須臾

平復 酉陽雜俎舊說鼠王其溺精一滴成一鼠一說

鼠母頭脚似鼠尾蒼口銳大如水牛性畏狗溺一滴成

一鼠時有鼠災多起於鼠母鼠母所至處動成萬鼠其

肉極美 酉陽雜俎鼠膽在頭活取則有 朝野僉載

嶺南獠民好為蜜唧即鼠胎未瞬通身赤蠕者飼之以

蜜釘之筵上躡躡而行以筋挾取啖之唧唧作聲故曰
蜜唧 文子鄭人謂玉未治者為璞周人謂鼠未腊者
為朴周人懷朴問鄭賈曰欲之乎出其朴視之乃鼠朴
也 晉陽秋大興中衡陽區純作鼠市四方丈餘開四
門門有木人縱四五鼠於中欲出門木人輒以椎椎之
酉陽雜俎王肅造逐鼠丸以銅為之晝夜自轉 合

壁事類蘇子瞻有却鼠刀 倦遊錄嶺南人食鼠謂之
家鹿 雲仙雜志山中謂鼠為社君 事物紺珠鼠名

黠蟲以其善竊物

詳類 南康記南康山石室號金堂內金色有金鼠時見也 唐西域傳于闐西有沙磧鼠大如蝟色類金出

入羣鼠為從 本草北胡銀鼠白色如銀古名鼯音鼠

蟬史銀鼠似貂而白色毛長三寸柔燠可愛皮勝於

貂鼠 錄異記白鼠身毛皎白耳足紅色眼眶赤赤者

乃金玉之精伺其所出掘之當獲金玉云鼠五百歲即

白耳足不紅者乃常鼠也 抱朴子南海白鼠重數斤

毛可為布 錄異記義鼠形如鼠短尾每行遞相咬尾
三五為羣驚之則散俗云見之者當有吉兆成都有之
埤雅有一種鼠見人則交其前足而拱謂之禮鼠亦
謂之拱鼠 天中記詩相鼠有體人而無禮陸璣云河
東有大鼠能人立交前兩脚於頭上跳舞善鳴孫奕云
相地名按地志相州與河東相隣則知相州有此鼠詩
人蓋取譬焉若如毛氏以相為視則視物之有體與皮
者皆可以喻禮何以取鼠哉 霏雪錄北方黃鼠穴處

各有配匹人掘其穴者見其中作小土窖若牀榻之狀
則牝牡所居之處也秋時蓄黍菽及草木之實以禦冬
各為小窖別而貯之天氣晴和時出坐穴口見人則拱
前腋如揖狀即竄入穴韓孟聯句所謂禮鼠拱而立者
是也惟畏地猴形極小人馴養之縱入其穴則銜黃鼠
喙曳而出之味極肥美元朝恒為玉食之獻置官守其
處人不得擅取也 本草綱目鼯鼠即黃鼠 說文鼯
鼠出丁零胡皮可作裘 說文貂鼠大黃黑出丁零國

管子立政篇百工商賈不得服長鬣貂 埤雅貂亦

鼠類縲毛者也其皮燠于狐貉取以為帽得風則煖其
毛拂面如焰朔地苦寒人以其皮溫額後代效之因以
金璫飾首前插貂尾至漢因焉加以附蟬為文侍中插
左常侍插右貂取內勁捍而外溫潤其色紫蔚而不耀
魏志挹婁國出好貂今所謂挹婁貂是也 異苑貂

出句麗國常有一物共居穴或見之形貌類人長三尺
能制貂愛樂刀焉其俗人欲得貂皮以刀投穴口此物

夜出穴置皮刀邊須人持皮去乃敢取刀 隣幾雜志

北朝使云青貂穴死牛腹掩取之紫貂升木射取之黃貂乃其老者銀貂最貴契丹主服之 唐書安定公主

下嫁回鶻會昌三年來歸以黠戛斯所獻白貂皮賜之

山堂肆考鼪鼠一名鼯又名黃鼠狼鼠豺如鼠而大

純黃色善捕鼠亦能盜齧雞鴨人頗患之 埤雅鼫鼠

健於捕鼠似貂亦黃色大尾今俗謂之鼠狼廣雅曰鼠

狼鼫是也一名鼫栗鼠似之蒼黑而小取其毫於尾可

以製筆世所謂鼠鬚栗尾者也其鋒乃健於兔 五雜
組鼠狼雖小而竊食鷄鵠之類一齧即斷其喉十百為
羣皆齧殺無遺而後去行走如飛其氣腥惡狗齧之亦
噉吐竟日云 錄異記鼯鼠首尾如鼠色青黑短足有
指形大重千餘斤出零陵郡界不知所來民有災及為
惡者鼠輒入其田中振落毛衣皆成小鼠食其苗稼而
去或捕得鼯鼠者治其皮飾為帶頗能澀芻為其三毛
出於一孔與常皮有異人多寶之 五雜組鼠大有如

牛者謂之鼯鼠爾雅謂之鼯舊說揚州有物度江而來
形狀皆鼠而體如牛人莫能名有識者曰吾聞百斤之
鼠不能敵十斤之猫盍試之乃求得一巨猫十餘斤者
往鼠一見即伏不敢動為猫咋殺此亦鼠之一種不恒
有者也 郭璞洞林宣城郡有隱鼠大如牛形似鼠象
脚脚有三甲皆如驢蹄身赤背前尾上白 金樓子晉
寧縣境出大鼠狀如牛土人謂之偃牛 雨航雜錄鼯
鼠乃伯勞所化又能化為鴛鴦見日光則死蓋陰物也

本草綱目鼯鼠一名田鼠一名鼯即鼯也俗以其尖
鼻能穿地謂之隱鼠 爾雅疏鼯鼠郭云地中行者廣
雅云鼯鼠也方言云名犁鼠即此鼠謂起地若耕因名
云 本草隱鼠陰穿地而行或曰是野田中尖嘴鼠
爾雅鼯鼠注形大如鼠頭似兔尾有毛青黃色好在田
中食粟豆 說文鼯五技鼠也 埤雅鼯鼠兔首似鼠
而大能人立交前兩足而舞害稼者一名雀鼠廣雅云
鼯鼠鼯鼠是也 爾雅疏豹文鼯鼠郭云鼠文彩如豹

者漢武帝時得此鼠孝廉卽終軍知之賜絹百匹唐
韋若虛傳辛怡諫為職方有異鼠豹首虎臆大如拳怡
諫以為鼯鼠而賦之若虛曰此說文所謂鼯鼠豹文而
形小一坐驚服春秋成七年春鼯鼠食郊牛角改卜
牛鼯鼠又食其角爾雅疏鼯鼠者李巡曰鼯鼠郭
云有螫毒者蓋如今鼠狼春秋成七年食郊牛角者是
也何休亦云鼯鼠鼠中之微者埤雅鼯鼠一名鼯鼠
一名鼯鼠似鼠而小東方朔曰譬猶鼯鼠之襲狗者也

博物志鼠最小者或謂之甘鼠口甘為其所食者不覺也 雨航雜錄鼯鼠在樹上名甘口鼠啣物時不痛而甚毒亦名林鼠 爾雅疏鼯鼠者郭云今江東山中有鼯鼠狀如鼠而蒼色在樹木上 爾雅鼯鼠身長須而賊秦人謂之小驢註鼯似鼠而馬蹄一歲千斤為物殘賊 神異錄北方層冰萬里厚百丈有磳鼠在冰下土中其形如鼠食草木肉重千斤可以作脯食之已熟其毛八尺可以為褥卧之却寒其皮可以蒙鼓聲聞十

里其毛可以來鼠此尾所在鼠聚今江南鼠食草木為
災此類也 爾雅疏鼯鼠者大戴禮云田鼠者鼯鼠也
鼯是頰裏藏食之名鼠若此者因名 羣芳譜田鼠大
頭似兔尾有毛青黃色生田中俗所謂地鼠也 山海
經丹重之山有獸其狀如鼠兔首鹿耳其音如犴犬以
其尾飛名曰飛鼠 埤雅鼯鼠爾雅所謂鼯鼠夷由狀
如小狐肉翅翅尾項脅毛皆紫赤色脚短爪長飛且乳
者亦或謂之飛生一名飛蠅其狀如兔而鼠首以其髯

飛性食火烟能從高赴下不能從下升高 荀子鼯鼠
五技能飛不能上屋能緣不能窮水能浮不能渡谷能
穴不能掩身能走不能先人 隣幾雜誌司馬君實侍
先君知鳳翔府竹園中得一物如蝙蝠巨如大鴟莫有
識者自山西來者云此鼯鼠也一名飛生飛而生子每
欲飛則緣樹至顛能下不能高 彙苑詳註晨鼯曉吟
則百嶺齊應 談藪山中大木上多趨鼠虎過其下鼠
必鳴噪自拔其毛投虎身著處則生蟲徧身瘡爛以至

乎死 宣州志晉宣城有一物大如水牛灰色庠脚脚
類象胸前尾上皆白爪力而遲鈍到城下郭璞筮之名
之曰驢鼠 山堂肆考鼯大鼠也聲若犬吠 埤雅鼠
一名鼯南陽呼鼠為鼯廣雅曰鼯鼠是也 爾雅鳥鼠
同穴其鳥為鵲其鼠為鼯郭註鼯如人家鼠而短鼠與
鳥共為雌雄 異苑唐鼠形如鼠稍長青黑色腹邊有
餘物如腸時亦污落亦名易腸鼠昔仙人唐昉拔宅升
天雞犬皆去唯鼠墜下不死而腸出數尺三年易之俗

呼為唐鼠城固川中有之 博物志唐公房舉宅升仙
惟鼠惡其不淨不將去鼠自悔一月三吐易其腸東廣
微所謂唐鼠 交州記竹鼠形如小猫食竹根出封溪
縣 食物本草鼠食竹根居土穴中大如兔人多食之
味如鴨 物類相感志竹鼯出房陵其狀若鼠而空食
竹根大於家鼠人或刺入肉不出者握而烹之最肥美
其刺消出蓋其食竹而消竹毒 王氏見聞竹貓者食
竹之鼠也生於深山溪谷竹林之中無人之境非竹不

食巨如野豕其肉肥脆山民重之每發地取之甚艱岐
梁睚眦之年秦隴之地無遠近巖谷之間此物爭出投
城隍及所在民家或穿墉壞城域自門闔入犬食不盡
則並入人家房內秦民之口腹飫焉 蟬史浙東衢州
出竹鼯大如圓瓠多膏中啖土人珍之好伏土底食竹
根未嘗見日形似家鼠蒼色尾短如兩粒米許目細而
長前足不分指爪乃一片者後足微有爪指人掘得之
匍匐不能走蓋脚短不便故也 格物總論食竹根鼠

腰腹大如盎所在深山有之 尸子松栢之鼠不知堂

密之有美樅 田家雜占鐵鼠其臭可惡白日銜尾成

行而出主雨 蟬史鼯鼯一名土鼠無目黑色穿土而

行天將雨則鳴行必成羣銜尾魚貫而進以目瞽懼顛

蹶也身臭雖猫犬亦不食之 格物論家鼠多藏於瓦

下晝伏夜動最為人所憎疾者皆陰類鬼物也 彙苑

詳註水鼠入水不溺捕魚而食東海有之 蟬史水鼠

生水中不入人家俗云直蛇橫鼠蛇好順流而行鼠好

橫流而渡也 事物紺珠海鼠大如豕目赤重百斤或
四五百斤亦畏猫砂鼠大如兔鷲鳥捕食之出西番香
鼠大僅如擘穴柱內行地中疾如箭 廣志苗鼠野鼠
也小而短尾天鼠以皮為裘今名為天鹿裘黃鼠在田
野間為羣害穀麥善走凡狗不能得惟狼能得之 宋
史五行志淳熙五年八月淮東通泰高郵黑鼠食禾
魏略大秦國出辟毒鼠狀甚大若鼠所到百毒蟲奔竄
絕迹 舊唐書剽竇國武德十六年獻褥特鼠喙大而

尾赤能食蛇有被蛇螫者鼠輒嗅而尿之其瘡即愈

畫墁錄南使至北見畢每賜毘黎邦十頭毘黎邦大鼠也齊東野語契丹國產大鼠曰毘狸形如犬而足短

又名北令邦以其肉一臠置之食物之鼎則立見糜爛性畏日為隙光所射輒死體極肥續墨客揮犀毘狸如鼠而大穴居食果穀味若狔而脆澠水燕談契丹

國產毘狸以為殊味穴地取之以供國主之膳公相以下不得嘗常以羊乳飼之頃北使嘗獲至京烹以進御

珍珠船毘狸余意即今西北邊所謂塔刺不花者也
一名大黃鼠一名土撥鼠味甘無毒煮食宜人生山後
草澤中北人掘取以食雖肥煮則無油湯無味神異
經南方有火山長四十里生不燼之木晝夜火然得暴
風不熾猛雨不滅火中有鼠重百斤毛長二尺餘細如
絲恒在火中洞赤時出外而色白以水逐沃之即死取
其毛織以作布用之若垢汙以火燒之即清潔也古
今注火鼠入火不焚毛長丈許可為布所謂火浣布者

是也 嶺表錄異紅飛鼠多出交趾及廣管隴州皆有
深毛茸茸然唯肉翼淺黑色多雙伏紅蕉花間採捕者
若獲一則其一去南中婦人買而帶之以為媚藥

物類相感志赤頭鼠閩婆國出龍腦香樹香出樹腹中
有福取得油其樹葉即化為鼠或飛或行頭赤可怪
鼠異 抱朴子內篇玉策記稱鼠三百歲滿一百歲者
則色白善憑人而卜名曰仲能知一年中吉凶千里外
事也 靈鬼志南平國蠻兵義熙初隨衆來姑熟便有

鬼附之聲呦呦細長或在簷宇之際或在庭樹上若占吉凶輒先索琵琶隨彈而言俗語云是老鼠所作名曰鬼侯 太平廣記吳興姚察少時宿於人家夜聞一人呼曰幼卿曰諾一人曰幼卿視我豈殺人者哉今人欲藥我我不能藥人乎既去察異之因效其聲呼曰幼卿曰諾曰與而語者何人也曰陳二公公即鼠也察曰而何人答曰我牀頭罽面盆也今人呼罽面盆為幼卿鼠為陳二公由此也 河東記李知微夜遊文成宮月微

明見數十小人聚立古槐下一曰西閣舍人一曰殿前
錄事一曰司文府史一曰南宮書佐一曰馳道都尉一
曰司城主簿一曰遊佃使者一曰東垣執戟言訖相引
入穴而去明日掘視之乃鼠也 廣博物志晉太康中
會稽縣螳螂及羊皆化為鼠 列異傳北地傳尚書小
女嘗折荻作鼠以狡獪放地荻鼠忽能行徑入戶眼土
中又折荻更作呪之云汝若為家怪者當更行不者不
動放地便復行如前即掘限內覓入地數尺了無所見

後諸女相繼喪亡 搜神記漢昭帝元鳳元年九月燕
有黃鼠銜其尾舞王宮端門中王徃視之鼠舞如故王
使吏以酒脯飼鼠舞不休一日一夜死京房易傳曰誅
不原情厥妖鼠舞門 集異志魏齊王正始中中山王
周南為襄邑長有鼠從穴出語曰王周南爾以某日死
周南不應鼠還穴後至期更冠幘皐衣出語曰周南爾
日中當死又不應鼠復入穴斯須更出語如前日適欲
中鼠入須臾復出出入轉更數語如前日適中鼠曰周

南汝不應我更何道言絕顛蹙而死即失衣冠取視具
如常鼠時曹奐專政競為比周故鼠作變也 孔六帖
李林甫將病一日取書囊訝其重開而視之乃一大鼠
躍出化為蒼犬怒目張牙仰視林甫乃以物擊之應手
而斃林甫惡之月餘而卒 宋高僧傳釋善無畏至烏
菴國有白鼠馴遠日獻金錢 異苑西域有鼠大如狗
中者如兔小者如常大鼠頭悉已白然帶以金枷商估
有經過其國不先祈祀者則齧人衣裳也得沙呪願更

獲無他釋道安昔至西方親見如此

格致鏡原卷八十八

欽定四庫全書

格致鏡原卷八十九

大學士陳元龍撰

獸類八

諸獸

爾雅西方有比肩獸焉與𠂔𠂔𠂔虛比為𠂔𠂔𠂔虛齧
甘草即有難𠂔𠂔𠂔虛負而走其名謂之𧈧註呂氏春
秋曰北方有獸其名為𧈧鼠前而免後趨則𧈧走則顛
然則𠂔𠂔𠂔虛亦宜鼠後而免前前高不得取甘草故

須蟹食之今鴈門廣武縣夏屋山中有獸形如兔而大相負共行土俗名之為蟹鼠 庶物異名疏山海經平丘有素獸如馬曰蛩蛩郭璞曰即蛩蛩巨虛也一走百里尸子曰距虛不擇地而走急就注似馬而有青色一曰距虛似羸而小孫子曰北方有獸名蹏前足鼠後足兔食得甘草必齧以遺蛩蛩距虛蛩蛩距虛見人將來必負蹏以走蹏非性心愛蛩蛩距虛也為假足也二獸者亦非性心愛蹏也為其得甘草而遺之也沈括謂蟹

亦曰蛩蛩巨虛劉勰曰蛩蛩巨虛其實一獸因其詞煩
分而為二袁孝政注云蛩蛩前足長巨虛後足長其獸
出鴈山見人即巨虛負蛩蛩而走諸說不同錄以並考
通志昆蟲略爾雅曰驪如馬一角不角者騏驪音攜
郭云元康八年九真郡獵一獸大如馬一角角如鹿茸
此即驪也今深山中人時或見之亦有無角者山海
經隄山有獸焉其狀如豹而文身名曰独歸山有獸焉
其狀如麋羊而四角馬尾而有距其名曰驪善還
還旋
旋舞

也其鳴自訃甘棗之山有獸焉其狀猼音虺鼠而文題其

名曰羆音那食之已癭中曲之山有獸焉其狀如馬而白

身黑尾一角虎牙爪音如鼓其名曰駮是食豹可以禦

兵踰次之山有獸焉其狀如禺而長臂善投名曰囂黃

山有獸焉其狀如牛而蒼黑大目其名曰犛音敏玉山有

獸焉其狀如犬而豹文其角如牛或作羊其名曰狻其音

如吠犬見則其國大穰晉太康七年鄧陵扶夷縣檻得一獸狀如豹文有二角無前兩

脚時人謂之

狻疑非此

即公之山有獸焉其狀如龜而白身赤頭

名曰蛭是可以禦火釐山有獸焉名曰獺

音蒼頡之頡

其狀

如獮犬而有鱗其毛如毳鬣依軹之山有獸焉其狀如

犬虎爪有甲其名曰獬善駛牟食者不風樂馬之山有

獸焉其狀如彙赤如丹火其名曰猴見則其國大疫扶

豬之山有獸焉其狀如貉而人目

貉或作獾古字

其名曰麇

音銀

或作麇

曲禮卜筮者所以使民別嫌疑定猶與也註疏

猶獸名獲屬與

豫通

亦獸名象屬此二獸進退多疑人多

疑惑者似之故謂之猶與說文獬類犬膏以上黃腰

以下黑食母猴 儀禮在國中射樹皮注樹獸名謂皮

作樹形以射之 述異記南康郡有君山高秀重疊有

類臺榭名曰女媧宮有獸名格似猩猩之形自知吉凶

人無機愛之則可馴狎欲執害之則去不來 庶物異

名疏宰音森獸名狀如狗有角文身五彩司馬彪云 詩

義疏魚獸似豬東海有之一名魚狸其皮背上斑文腹

下純青今以為弓韃步叉者也其皮雖乾燥以為弓韃

矢服經年海水將潮及天將雨其毛皆起水潮還及天

晴其毛復如故雖在數千里外可以知海水之潮氣自相感也 蘇鶚演義蜚者海獸也漢武帝作栢梁殿有上疏者云蜚尾水之精能辟火災可置之堂殿今人多作鴟字 宋書餘者幽隱之獸也有明王則來為時辟除災害 通志昆蟲略鰐有力郭璞云西海大秦國有養者似狗多力獷惡 物類相感志獬獸出江南武林山狀如獅子蒼黑色常瞑目聳耳一足攀林杪若猿猴輩逢之雖多羣輒不能動皆叩頭久則推一猴與食之

去則羣走而竄伏終日矣 楊慎外集石獠俗名尖孫
食猴者 庶物異名疏石穀似猓而形短常捕取猴猿
見風土記 物類相感志獼猴出海中以髓入油中其
油沾水水中火上不可救止用酒噴之即滅慎於屋下
藏之 彙苑詳註禺似獼猴而大赤目長尾善走出鵲
山 經史直音獼獸名似犬有文故從文也 黃衷海
語獼獸名出暹羅之峴隴短小精悍目圓精黃木食如
猿獠古樾蒙密者率數十巢山居夷獠畜之備驅使蒙

以敝絮飲以醕酒食以鯁鮓輒喜舉族受役至死不避
嘗令入山采鶴頂象齒犀角皆如期而獲輸其主雖它
姓奪之必不與舶人編竹為籠置狢所往來之逕機取
之以獻夷王王依狢以番綿飼狢以嘉實狢以非其主
終不附稍近烟火淚目而死 山海經北海內有青獸
焉狀如虎名曰羅羅_音踰_音隅之山有獸焉其狀如牛而
馬尾名曰精精空桑之山有獸焉其狀如牛而虎文其
音如欽其名曰軫軫見則天下大水有獸焉其狀如蜂

枝尾而反舌善呼其名曰文文礪山有獸焉其狀如馬而羊目四角牛尾其音如獐狗其名曰葦葦見則其國多狡客泰山有獸焉狀如豕有珠名曰猗猗其名自計霍山有獸其狀如狸而白尾有鬣名曰肫肫養之可以已憂 白澤圖賈肫千歲木精狀如豚食之味如狗

山海經蛇山有獸焉其狀如狐而白尾長耳名狔狼見則國內有兵譙水有獸焉其狀如貍而赤豪其音如榴榴其名曰孟槐可以禦凶石者之山有獸焉其狀如豹

而文題白身名曰孟極是善伏其鳴自呼蔓聯之山有
獸焉其狀如禺而有鬣牛尾文臂馬蹄見人則呼名曰
足訾其鳴自呼符禺之山其獸多蔥聾其狀如羊而赤
鬣小次之山有獸焉其狀如猿而白首赤足名曰朱厭
見則大兵崇吾之山有獸焉其狀如禺而文臂善投名
曰舉父尸胡之山有獸焉其狀如麋而魚目名曰嬰胡
柎陽之山有獸焉其狀如馬而白首其文如虎而赤尾
其鳴如謠其名曰鹿蜀佩之宜子

佩其皮也

凡山有獸焉其

狀如玃黃身白頭白尾名曰聞鱗見則天下大風鮮山
有獸焉其狀如玃大赤喙赤目白尾見則其邑有火名
曰移即北囂之山有獸焉其狀如虎而白身犬首馬尾
玃鬣名曰獨裕梁渠之山其獸多居暨其狀如彙而赤
毛其音如豚歷石之山有獸焉其狀如狸而白首虎爪
名曰梁渠見則其國有大兵倚帝之山有獸其狀如玃
鼠白耳白喙名曰狙如見則其國有大兵餘義之山有
獸焉其狀如玃而鳥喙蛇尾見人則眠也佯死名曰玃徐

北嶽之山有獸焉其狀如牛而四角人目羗耳其名曰
諸懷音如鳴鴈昆吾之山有獸焉其狀如羗而有角其
音如號名曰蜚蜚法嶽之山有獸如犬人面名山獬善
投見人則笑行如矢激見則天下大風豐山有獸焉其
狀如猿赤目赤喙黃身名曰雍和見則國有大恐鹿吳
之山注於傍水水有獸焉名曰蠱雕天帝之山有獸焉
狀如狗名曰谿邊席其皮者不蠱欽山有獸焉其狀如
豚而有牙其名曰當康其鳴自呌見則天下大穰敖岸

之山有獸焉狀如白鹿而四角名曰夫諸見則其邑大水柜山有獸焉其狀如豚有距其音如狗吠其名曰狸力見則其縣多土功長右之山有獸焉其狀如禺而四耳其名長右其音如吟見則郡縣大水灌題之山有獸焉其狀如牛而白尾其音如訃名曰那父堯光之山有獸焉其狀如人而彘鬣穴居而冬蟄其名曰狷褻其音如斲木見則縣有大繇苦山有獸名曰山膏其狀如逐

即豚字

赤若丹火善詈帶山有獸名曰臄

音歡

疏如馬一角

有錯可以辟火陽山有獸名曰領胡如牛而赤尾其頸
賢狀如勾瞿其鳴自諉食之已狂臯塗之山有獸如鹿
而白尾馬足名曰櫻如爾雅闕洩多狙疏闕洩獸名
其脚多狙狙指也高誘呂覽注堂祥不庭岐母羣抵
天翟皆獸名庶物異名疏述蕩獸名覽述蕩之擊高
誘曰擊踏也威夷力弱獸也爾雅威夷長脊而泥泥弱
也劣弱少才力也時善好登山峰之獸爾雅曰時善藥
嶺上林賦格蝦蛤鋌猛氏注蝦蛤猛氏皆獸名今蜀

中有獸狀如熊而毛淺有光澤名猛氏 郊祀志祠黃

帝用一梟破鏡孟康注破鏡獸名食父黃帝欲絕其類

使百吏祠皆用之破鏡如羆而虎眼 蜀地志黃腰一

名羆微一名虔已鼬身狐首生子長大羣逐其母令不

得飲將有所求而易先此獸則不得矣 山堂肆考黃

巢谷在漢中府金州牛山唐末黃巢作亂太白山人謁

金州刺史云請掘此谷則賊自敗掘之得一石桶上有

一劍中有黃腰獸獸見劍自撲而死後巢果敗 李善

文選注蒲牢畏鯨每食於海畔鯨躍之蒲牢則鳴聲如鐘今人多作蒲牢之形於鐘 經史直音磬碰西方獸名也 物類相感志却塵獸出勾驪國其獸毛色殷鮮光軟無比剝其皮合毛為褥則塵埃無犯唐有却塵埃褥是也 南蠻傳室利佛逝有獸類野豕角如山羊名曰雲肉味美以饋膳 天中記獨步獸出良州形如獅子頭尾虎豹文身黃一角行有意氣故名獨步食草木可以辟羣魅 百感錄西北有獸類黃鼠而短喙無目

性狡善聽聞人足音輒逃匿有時誤聞他聲驚惶奔竄
土人呼為瞎撞 本草陳藏器曰骨狢獸生西番突厥
國胡人呼為阿慈勃他你似狐而大長尾 物類相感
志梳雷波出自然山身青色一角兩枝食草木實能辟
精魅 紺珠舍利孫黃黑色其皮可裘出女直 庶物
異名疏阿塔必即者馬八兒國獸名至元中遣使進元
世祖似驪而巨毛黑白間錯蓋奇獸也

異獸

山海經開明身大類虎而九首皆人面東嚮立崑崙上

郭璞注天獸也 上林賦射遊梟檠飛遽張揖注飛遽

天上神獸鹿頭龍身 孫氏瑞應圖周匝宋書作印神獸也

知星宿之變化王者德盛則至 莊子西北方之下者

則沃陽處之注沃陽豹頭馬尾一作狗頭 淮南子歸

終知來注歸終神獸 天問魃音其堆焉處注魃堆奇獸

也 陸綏海賦圖馬銜當蹊其狀馬首一角而龍形

山海經天吳在重丘兩水間八首人面八足八尾皆

青黃一曰虎身十尾 路史神農時白民進藥獸人有
疾病則撫其獸語之語畢獸輒如野外銜一草歸搗汁
服之即愈虞卿曰黃帝師藥獸而知醫 黃帝內傳帝
巡狩東至海登桓山於海濱得白澤神獸能言達於萬
物之情問天下鬼神之事自古精氣為物遊魂為變者
凡萬一千五百二十種白澤言之帝令以圖寫之以示
天下帝乃作辟邪之文以示之 玄池子說林少皞出
野遇一獸牛首而人身驚告皇娥娥曰昔余聞之帝子

牛首人身其名師親見之者百福胥臻 十洲記聚窟
洲有辟邪天祿 瑞應圖天鹿者神靈獸也如牛身披
肉甲五色光耀洞明王者道備則至 漢書西域傳烏
戈地有桃拔孟康注桃拔一名符拔似鹿長尾一角者
或為天鹿兩角或為辟邪似虎正黃有鬣形尾端茸毛
大如斗 後漢書章帝章和元年安息國遣使獻符拔
形似鱗而無角 名義考桃拔符拔當作桃被符被以
是獸能被除不祥也被誤作拔曰桃曰符者猶度朔山

桃梗之意祓除不祥故謂之辟邪永綏百祿故謂之天祿漢立天祿於閣門古人置辟邪於步搖上皆取祓除永綏之意 沈氏筆談至和中交趾獻麟如牛而大通身皆大鱗首有一角考之記傳與麟不類當時有謂之山犀者然犀不言有鱗以予觀之殆天祿也後漢書中平三年鑄天祿蝦蟆於平津門外注云天祿獸名今鄧州南陽縣北宗資碑旁兩獸鑄其膊一曰天祿一曰辟邪元豐中予過鄧境聞此石獸尚在使人墨其所刻天

祿辟邪字觀之似篆似隸其獸有角鬣大鱗如手掌其
類交趾所獻異獸知其必天祿也 珍珠船大明會典
三品碑蓋用天祿辟邪人多不知為何物天祿一作天
鹿一作天麋考工記鳧氏鐘縣謂之旋注今時旋有蹲
熊盤龍辟邪疏漢法鐘旋之上以銅篆作蹲熊及盤龍
辟邪辟邪亦獸名古法亦當然也 宋書角端者日行
萬八千里又曉四夷之語明君聖主在位明達方外幽
遠之事則奉書而至 元史元太祖提兵回回與蘇卜

特追至印度國鐵門關侍衛見一獸高數百丈鹿形馬
尾綠毛而角能為人言曰此非帝世界汝主宜早還左
右皆震懾耶律楚材曰此獸名角端乃旄星之精益上
天惡殺遣之以告陛下也且此獸靈異如鬼神不可犯
願承天心宥此數國人命元主即日班師 集微弦超
入泰山遇一物如獐頭若婦人鬟髻簪珥悉具歸告智
瓊瓊曰此方輝也五百年一見見者壽弦超果二百餘
歲 物類相感志 天驕音異大如狐赤白色尾大有君臣

父母兄弟之別行次老少食必相讓俗云天惡虎狼殘
獸相侵生獸師以教之凡見獸必教之教之不可哀鳴
而去天曉相率號高峰之上或曰獸師教獸不得號訴
於天也 天中記招賢獸出摩伽陀國性善不干人形
如獅子若國人見良賢相訪則出現 庶物異名疏草
上飛西番獸王也裔乘曰形大如犬身似斑貓性純不
惡獅豹等獸見之即伏於地此獸仁愛不惡而嚴 集
韻牴牾二獸名秉心甚靈益忠直獸也今華表頂上者

是拾遺記岱輿有獸名嗽月形似豹飲金泉之液食
銀石之髓此獸夜噴白氣其光如月可照數十畝軒轅
之世獲焉瀛州有獸名嗅石其狀如麒麟不食生卉不
飲濁水嗅石則知有金玉吹石則開金沙寶璞粲而可
用鄭氏姻禮謁文贊舍利一作舍利為獸廉而能謙禮義
乃食口無譏譽西京賦舍利颺颺化為仙車注舍利
獸名性吐金吹景集漢昏禮中紀舍利受福二獸解
云舍利獸廉而謙受福獸體恭心慈此大禹山經所未

載按蔡質漢儀云正月旦天子作九賓徹樂舍利從西方來戲於庭極乃畢入殿前激水化為比目魚隋書音樂志云大業二年追四方散樂大集東都有舍利獸先來跳躍激水滿衢云云小本彌陀云鸚鵡舍利疏稱梵語舍利此云鶯鶯則舍利復是羽族矣受福不見他書惟南齊志云玉輅漆畫輪受福輶又云金塗受福望龍諸校飾又云檠戟織成衣金塗沓駐及受福晉張敬東宮舊事云皇太子納妃有銀龍頭受福蓮華鉤鑠四副

則江左王輅銀鉤猶有此製此獸不知作何形模唐以後不復聞矣 吳書諸葛恪為丹陽太守出獵兩山之間有物如小兒伸手欲引人恪令伸之乃引去故地即死叅佐問故恪曰此事在白澤圖名曰僊囊諸君偶未見耳 洞冥記翕韓國獻飛骸獸狀如鹿青色以寒青之絲為繩繫之及死帝惜之而不瘞掛於苑門皮毛皆爛朽惟骨色猶青時人咸知其神異更以繩繫其足往視之惟見所繫處存而頭尾及骨皆飛去 十洲記炎

州在南海中地方二千里去北岸九萬里上有風生獸
似豹青色大如狸張網取之積薪數車以燒之薪盡而
獸不然灰中而立毛亦不焦所刺不入打之如灰囊以
鐵鎚鍛其頭數十下乃死而張口向風須臾復活以石
上菖蒲塞其鼻即死取其腦和菊花服之盡十斤得壽
五百年 嶺南異物志風狸如猿猴而小晝日蹠伏不
能動變則驚躍湛疾好食蜘蛛毒打殺以口向風復活
惟破腦不復生矣以酒浸愈風病南人得傳云此獸常

持小杖遇物則指飛走悉不能去人有得其杖者所指
必有獲夷人施罟網既得其獸不復見其杖杖之數百
乃肯為人取或云邕州首領甯泗得之泗資產巨萬僮
伎數百泗甚秘其事 南州異物志風母獸一名平猴
狀如猴無毛赤目若行逢人便叩頭似懼罪自乞人若
撾打之慙然死地無復氣息小得風吹須臾能起 停
驂錄南海中有殼焚洲有獸名狢狢狀如水獺其頭身
及他處了無毛惟從鼻上竟脊至尾廣寸許有毛青色

長三四分土人捕得之投烈火中薪盡而此獸不傷
神異經無損南方之獸如鹿豕頭有牙鹿尾善依人求
五穀割取肉不病肉自復其肉惟可作鮓使糲肥美而
鮓肉不壞吞不入糲盡更澡肉復作鮓如初愈美名曰
不盡鮓 癸辛雜志西域有沙海正據要津其水熱如
湯不可向邇終古未嘗通中國忽一夕有巨獸浮水而
至其骨長數十里橫於兩涘如津梁然骨中有髓竅可
容並馬於是西極之地始通中國其國課往來者每以

膏油塗其骨令潤懼其枯朽摧折則無復可通故耳

陶潛詩刑天舞干戚猛志故常在注刑天獸名口中好
銜干戚而舞 太平廣記禍斗狀如犬而食火糞復為
火能燒人屋 周書王會篇區陽以鼈封鼈封者若玃
前後有首 山海經屏蓬出大荒山中左右有首一曰
并封狀如玃前後皆有首黑郭璞注屏蓬即并封語有
輕重也 荊州記武陵郡西有獸如鹿前後有頭常以
一頭食一頭行 山海經南海之外赤水之西流沙之

東有獸左右有首名曰跖踢有三青獸相并名曰雙雙

相并言體

合為一也洵山有獸焉其狀如羊而無口不可殺也

稟氣

自然其名曰羝泰山有獸焉其狀如牛而白首一目而蛇

尾其名曰蜚行水則竭行草則死見則天下大疫翼望之山有獸焉其狀如貍一目而三尾名曰謹其音如奪百聲是可以禦凶服之已痺泰戲之山有獸名曰辣辣如羊一角一目目在耳後其鳴自訐基山有獸焉其狀如羊九尾四耳其目在背其名曰獐弛佩之不畏單張

之山有獸焉其狀如豹而長尾人首而牛耳一目名曰
諸犍善吒行則銜其尾居則蟠其尾 庶物異名疏
出流波山如牛蒼身而無角一足出入水必風雨其光
如日月其聲如雷黃帝得之以其皮為鼓橛以雷獸之
骨聲聞五百里以威天下 爾雅狔無前足注晉太康
七年召陵扶夷縣檻得一獸似狗豹文有角兩足即此
種類也或說狔似虎而黑前無兩足 晉書武帝太康
六年南陽獻兩足猛獸此毛蟲之孽也 拾遺記因墀

國獻五足獸狀如獅子玉錢千緡其形如環環重十兩
上有天壽永吉之字問其使者五足獸是何變化對曰
東方有解形之民使頭飛於南海左手飛於東山右手
飛於西澤自臍以下兩足孤立至暮頭還肩上兩手遇
疾風颺於海外落玄洲之上化為五足獸則一指為一
足也其人既失兩手使傍人割裏肉以為兩臂宛然如
舊也因墀國在西域之北送使者以鐵為車輪十年方
至 山海經杓狀之山有獸焉其狀如犬六足其名曰

從從 述異記封微山中有怒毛獸若不嗔毛短三寸
若嗔毛長三尺 劉晝新編寒土有獸其名貌生角當
心俯而磨之憤心而死 山海經章莪之山有獸焉其
狀如赤豹五尾一角其音如擊石其名如猗 事物紺
珠 獬如狸五尾能作百種聲 山海經耿山有獸焉其
狀如狐而魚翼其名曰朱儒見則其國有恐始逢之山
有獸焉其狀如狐而有翼其音如鴻雁其名曰微微見
則天下大旱崦嵫之山有獸名曰孰湖馬身鳥翼人面

蛇尾是好舉人

見人則抱

馬成之山有獸焉其狀如白犬而

黑頭見人則飛其名曰天馬

張端義貴耳集宮禁中

有物曰獠塊然一物無頭眼手足毛如漆夜有聲如雷
禁中人皆云獠來徽廟亦避之或往諸嬪妃榻中以手
撫之亦溫煖將曉莫知所在或云朱溫之厲所化 岳

瀆經禹導淮獲巫支祈形如獼猴縮鼻高額青軀白首
金目雪牙頸伸百尺力踰九象命庚辰搏擊騰踴疾利
倏忽視不可久授之庚辰庚辰以戰遂去項頸大械鼻

穿金鈴徙之淮陸龜山之足淮水乃安 郭氏異物志
昔建州浦城縣山有獸名駭神豕身人首狀貌醜惡百
鬼惡之好出水邊石上張平子徃寫之獸入水中不出
或云此獸畏寫之故不出遂去紙筆獸果出平子拱手
不動潛以足指畫之今號巴獸潭 彙苑野婆南丹獸
名黃髮椎髻跣足裸形儼然一媼也其羣皆雌無匹偶
上下山谷如飛自腰以下有皮蓋膝每遇男子必負去
求合喜盜人子女復至其家窺伺之其家知為所盜大

罵則挾以還之嘗為健夫所殺至死以手護腰間剖之
得印方寸瑩若蒼玉字類符篆不可識蓋自然之文也
海錄雜事嶺南有一足反踵手足皆三指雄曰山丈
雌曰山姑夜扣人門雄求金繒雌求脂粉神異經西
南荒中出訛獸其狀若菟人面能言常欺人言東而西
言惡而善其肉美食之言不真矣神異經獐獸名形
如獅子北方大荒中所出咋人則疾名曰獐獐者恙也
食人蟲也善食人心上古之時嘗入人室屋黃帝殺之

故今人無憂疾謂之無恙蓋取此義 述異記陳倉人
有得異物者其形不類豬亦不似羊衆不能名忽有二
童子至云此名媼常在地下食死人腦若欲殺之栢葉
插其頭又名糲弗述 神異經崑崙西有獸其狀如犬
兩目而不見兩耳而不聞有腹而無五臟有腸直而不
旋食而徑過人有德行而往牴牾之人有凶惡而往依
憑之天使其然名曰渾沌一名無耳一名無心空居無
常咋尾回轉向天而笑

爾雅翼引帝
江為渾沌誤

西方荒中有獸焉

其狀如虎而大毛長三尺人面虎足豬口牙尾長一丈
八尺攪亂荒中名禱机一名傲狠一名難訓西北有獸
其狀似虎有翼能飛便勦食人知人言語聞人鬪輒食
直者聞人忠信輒食其鼻聞人惡逆不善輒殺獸往饋
之名曰窮奇 山海經封山有獸狀如牛而蝟毛名曰
窮奇音如狗嗥是食人郭注一名神狗 山海經鉤吾
之山有獸狀如羊身人面其目在腋下虎齒人爪其音
如嬰兒名曰狗鵲是食人注左傳所謂饕餮是也像在

夏鼎 呂先識周鼎著饕餮有首無身食人未咽害及
其身 庶物異名疏鑿齒獸名服虔曰鑿齒五尺齒似
鑿食人 山海經剡山有獸名曰合窳如蜃人面黃身
而赤尾音如嬰兒是食人亦食蟲蛇見則天下大水少
咸山有獸狀如牛而赤身人面馬足名曰窳窳其音如
嬰兒食人鹿吳山澤更之水南流注於滂水有獸名蠺
雕狀如雕有角音如嬰兒能食人蔓渠之山有獸焉名
曰馬腹其狀如人面虎身其音如嬰兒是食人釐山有

獸焉其狀如牛蒼身其音如嬰兒是食人其名曰犀渠
有獸焉其狀如狼赤首鼠目其音如豚名曰獨狙是食
人浮玉之山北望具區東望諸毘有獸焉其狀如虎而
牛尾其音如吠犬其名曰羆是食人北嶽之山有獸焉
其狀如牛而四角人目羗耳其名曰諸懷其音如鳴雁
是食人三危之山有獸焉其狀如牛白身四角其毫如
披簣其名曰猼訑是食人 十洲記征和三年武帝幸
安定月支國獻猛獸一頭形如五六十日犬子大似狸

而色黃羸細禿悴帝使使者令猛獸發聲試聽之使者乃指獸命喚一聲獸舐脣良久忽叫如天大雷霹靂又兩目如礪碑之交光光朗衝天良久乃止帝顛蹶掩耳震動不能自止侍者及武士虎賁皆失仗伏地諸内外牛馬豕犬之屬皆絕絆離繫驚駭放蕩久許咸定帝忌之因以此獸付上林苑令虎食之虎聞獸來相聚屈積如死獸入苑徑上虎頭溺虎口去十步已來顧視虎虎輒閉目帝恨使者言不遜欲收之明日失使者及猛獸

所在 致虛閣雜俎西域有獸如犬含水嚙馬目則馬
瞑眩欲死故凡馬皆畏之名曰馬見愁

格致鏡原卷八十九